

Eqquiniaasitsinermi akileraarutit pillugit Inatsisartut inatsisaat

§ 1. Kalaallit Nunaanni eqquiniaasitsisoq eqquiniaasitsinermi eqqugassat tamarmiusut nalinginit akileraartussaavoq, akileraarutit ukiut tamaasa Inatsisartunit aalajangerneqartartut naapertorlugit.

Imm. 2. Eqqugassat aaningaasaanngippata, eqqugassat nalingat akileraaruserneqartussaq naatsorsorneqassaaq eqqugassat nalinginnaasumik niuernerme nalingat tunngavigalugu.

Imm. 3. Immikkoortut 1 aamma 2 naapertorlugit akileraartussaaneq atortuussanngilaq, peqatigiiffiup kattuffulluunniit il.il. qaammatisiutit malillugit ukiup ataatsip ingerlanerani eqquiniaasitsinerani eqqugassarititaasa katillugit nalingat 5.000 koruuniuppata minneruppataluunniit.

§ 2. § 1 naapertorlugu eqquiniaasitsinermit eqqukkat eqquisumut akileraaruteqaataassanngillat.

§ 3. Akileraartussaasup eqqugassat nalingat Akileraartarnermi Pisorta qarfimmuut nalunaarutigalugillu akileraarutitassai akilereersimassavai, eqquiniaasitsinerup kingorna kingusinnerpaamik ullut 14-t qaangiutsinnagit. Nalunaarutiginninneq pissaaq immersugassaq, Akileraartarnermi Pisorta qarfimmit sananeqarsimasooq atorlugu.

Imm. 2. Peqatigiiffimmi il.il. eqquiniaasitsisumi siulersuisunut ilaasortat akileraarutit akilerneqarnissaannut akisussaasuupput.

Imm. 3. Akileraarutit piffissaagallartillugu akilerneqanngippata akileraarutit akileraarutissat 2 %-i-annik taperneqartassapput, eqquiniaasitsinermit qaammatit aallartinneri, tamaasa akileraarutit akilerneqarnissaasa tungaanut.

§ 4. Inatsisartut inatsisaata matuma atuutilernissaanut maleruagassanik sukumiinerusunik Naalakkersuisut aalajangersaasinnaapput, tamatumani ilaalluni eqquiniaasitsinermi inimik attartortitsisup paasissutissiisusnaaneranut maleruagassiineq.

Imm. 2. Naalakkersuisut, Naalakkersuisulluunniit tamatumunnga piginnaatitaata, akileraarutit imaluunniit § 3, imm. 3-mi taaneqartut tapiissutit akilersinngitsoorlugilluunniit, oqilisaaffigalugilluunniit utertissinnaavaat, pissutsit immikkut ittut atuutsillugit.

§ 5. Eqqunngitsunik nalunaarutiginnittoq imaluunniit § 3 naapertorlugu piffissaagallartillugu nalunaarutiginninngitsoq akiliisinneqarsinnaavoq.

Imm. 2. Selskabit, peqatigiiffiit assigisaalluunniit unioqqutitsippata, selskabi akiligassiissuummut akisussaatinneqarsinnaavoq.

§ 6. Naalakkersuisut, Naalakkersuisulluunniit tamatumunnga piginnaatitaanit, inatsimmi matumani aalajangersakkanik unioqqutitsisoq nalunaarfigineqarsinnaavoq suliaasaq eqqartuussinertaqanngitsumik inaarneqarsinnaasoq, unioqqutitsisoq unioqqutitsinerminik nassuerpat piffissallu aalajangersimasup iluani, qinnuteqarnikkut sivitsorneqarsinnaasumi, nalunaarummi akiligassaritinneqartoq akilerumassappagu.

Imm. 2. Nalunaarutiginninnissamut, imm. 1-imi taaneqartumut atatillugu inatsisinik atortitsinermut inatsimmi aalajangersakkani unnerluutiginninnermut allassimasut atuutissapputtaa.

Imm. 3. Akiligassiissutigineqartoq piffissaagallartillugu akilerneqarsimappat imaluunniit akiligassiissutigineqareernermini akilersinneqarpat, qanoq iliuuseqartoqaqqissanngilaq.

§ 7. Inatsisartut inatsisaat 1. januar 1988-imiit atuutilissaaq, eqquiniaasitsinernullu 1. januar 1988-imi kingusinnerusukkulluunniit ingerlanneqartunut atuutissalluni.

Namminersorluluk Oqartussat, oktoberip 31-anni 1987

Jonathan Motzfeldt

/

Emil Abelsen

Namminersorluluk Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorluluk Oqartussat inatsisinut toqqorsiviat

Naalakkersuisut